

IN THE TRADITIONAL RIGHTS COURT
REPUBLIC OF THE MARSHALL ISLANDS

ROMAK MAJUWI) CIVIL ACTION NO. 1987-21
)
Plaintiff,)
)
VS.) Re: LOMNAK AN PANEL ILO KARKAN
) NAAN IN KAMOL KO JEN PARTY
LAMORE & INOK JORAUR) KO JIMOR ILO RONJAKE EO
)
Defendants.)
_____)

Pursuant to Rule 13, Court eo ar jino ronjake eo an ilo December 15-18, 1987. Tokelik ilo February 22-24, 1988, ilo Court-house eo ilo Majuro, Marshall Islands. Un eo elap ilo ronjake in ej bwe panel eo an Traditional Rights Court en maron in tobar uaak in kajitok ko kin idabtok non kabjer maron ko an alap im dri-jerbal ion Batlube Wato, Monkanon Weto, im bwirej ko ujen ilo ailin in Utrok, Marshall Islands.

"EKIJKAN AN MANIT KEMJAL BUKTAK ROT KEIN"

Term in MANIT ej ejak ion jabon kennan ko, MA im NIT. MA ej jutak kin MAN JABOK KO (Mantata in Bujen Ko) im NIT ej jutak kin NITIJELA EO (Nit-builli Jela Eo). Term in ej jerbal non kemleleik karkan bujen ko (kakien ko) eouti im kabini ilo Nitijela eo an armej ro rar kabjer elab jelalok ijen ib-beir (Kakobaba im kokmanman lok ilo Kien eo (Nitijela) an Germany, Japan, U.S.A. im Nitijela in an Marshall ran kein.

Menmenbwij ej kejbar kin ruo eouten bwij ko (Moren Bwij). KONE JUBAR(Nejin bujen kora) im LIEOK TIT (Nejin inem emman). Kone Jubar an teeb jen ion bwirej wot ne elot nejin kora. Lieok Tit ej mour wot jen jemeer (Bwij teoleol, Bao in Bellok).

"MANIT KO IM NAAN KO KAMOLI"

1. Iroiylaplap Murjen Hermios ear kamol iman Court ke ear komane plaintiff Romak Majuwi ej alap ion Weto kein ilo konono in elkin an ronjake

naan in iakwelel ko jen party ko ruo, im bwe ear sign ilo menmenbwij eo an plaintiff non kamol karok eo an.

2. "Book eo an Iroi", page 53 ej kwoalok ke ear or kon ikotan ebeben ko rej jemlok lok.

3. Juon kar kon eo karok ikotan ebeben (koban im jeban bwij ko kajojo) ko rej jemloklok ebin non an ebeben ko tokelik rube.

4. Iroi Edrik Lijutok Elaisa ear kwoalok non Court ke ear sign "X" im kwowappen menmenbwij eo an defendants im bwe ear jab kajedrelok non Iroiylaplap eo.

5. KABI JUK NEN - Bwijn plaintiff im bwij in defendant ilo lajrak lal tak in kabjer maron ko an jineer rej drijolet bwirej kein ilo konono in.

6. KORA MENIN UNAK Lujin, kora ritto tata nejin Lijubilo, ear belek juon man in Ailuk im ear emmakit lok non Ailuk, (bok jerbak an bao in unak).

7. KITDRE, ear wor jilu (3) emman im 3 kora ear lotak non Lujin ion Ailuk, jemeer ear ejelok non er mottan bwirej ko an ion Ailuk.

8. LA MOREN; iomwin juon kotan in an kar Lujin la wodrelok Ailuk, ear mij im ajri ro nejin rar kabjer meron ko ion bwirej ko jen ien eo non tore in (imon bwij).

9. JEBELBEL IN KE EJU KAN; bwijn plaintiff ion Ailuk, bwijn defendant ro ion Utrok, mekarta ke ej jul in juon wot kaan. (an teeb nejin bujen wot ne elot)

10. TOO ENE; bwirej ko an plaintiff ion Ailuk ej jikin an plaintiff too ene tometo (too im jokwe, mona jen i, ne wan metolok, koman teak ko).

11. BERBER IJIN BERBER IJEN, BER IN NA WOT KWE, JOK JOKWE IJIN JOK JOKWE IJEN, KWOJ JOKWE KIN NA.

12. Al Al, bwij in defendant ro iwomwein elon ebeben ko rar bed wot im al-al (kejbarok bwirej ko) ion bwirej kein ilo konono in.

13. "Bedr-bedr ijen, bedr-ijen, bedr in na wot kwe" (Jok-jokwe ijin, jok-jokwe ijen, jokwe in na wot kwe) Kwowaaktok meja, meja wot mejam, kwowaaktok peio, peio wot peim, kwowaaktok io na wot kwe, "Jebelbel in ke ejol kaan".

14. "AKEO BWE KWOAR KALLIB", itok jen intan in raro im kallib bwij in Defendant ro rej tellokier enok uror eo maktata ilo juon kaan ni, okaj bob eo maktata ian bob ko, komoj maa eo maktata, ajej tokjen waini eo ikotan dron (ijelokin wot koj an Alap) ne alap eo ba kejerbale, kejerbale ne jab, jab.

Dri jimaie ro elab aer kar jumaie claim in an Dri abnono eo kin ke bwij eo aer ilo kar juon ien kotan eo elab an aitok er eo rar bed im inek dero ko ion bwirej ko ekoba komman ekkan ko non Iroi ro. Men ear koman bwe en er wot eo dri jolete bwirej kein kajitok kaki, itok wot jen imminene eo aitok kiten.

Ilo an Court eo an Mani kar ketale lomnak eo an kin naan in jumaie in, ear lo bwe ikotan bwij non bwij ko jebar jen juon wot nedrer ak juon wot kaan naan in itok jen imminene ejab kar aikwij in or kiten kinke, bwij ko rej aikwij in bok edro ko non dron. Men in ej kalikkar bwe ilo an juon bwij jako jen bwirej ko aer ilo juon kotan ien eo aitok kin un ko rejejit ilo manit, ej tellokin bwij ko jet kejbarok bwirej ko aer ilo etan bwij eo ak ko rejako.

LOMNAK EO

Case in ej einjuon lok jen case ko moktalok ilo Marshall ilo menin kinke idrabortok ibben ej karkan bwij non bwij, karkan meron an Iroi
non iroi, karkan maron ko an jeban bwij non jeban bwij. Plaintiff ej claim non jolete maron ko an alap ion bwirej kein kajitok kaki einwot ke ej iuwan bwij eritto ilo lajrak laltak in line nejin kora elkin an alap eo mokta mij, Alap Window. Non jiban claim in Plaintiff ear jakemantak non Court menmenbwij eo an, eo im Iroi Laplap Murjen Hermios ear kamole im kwowebbene.

Ijo ejumae claim im erran in an Iroi Hermios ej lajrak eo ilo "Book an Iroi" im kar keboje ilo ebeben ko rej jemlok lok ke etan alap eo Window im etan dri binej jenok eo ej Lomor.

Ilo konono ko an Defendant ro non kakajurlok lajrak eo an "Book eo an Iroi", rar ba bwe ear or juon ajej bwirej eo ear komon ikotan Lotobo im Window ilo tore ko Lojook ej mour wot im jokwe ion ailin in Ailuk. Iroi Edrik Aen ar kwowappen ajej eo. Tokjen ajej eo ej alikkar ilo lajrak laltak 5 im 7, ilo "Book an Iroi".

Lotobo uan bwij in Lijain (ejako ilo menmenbwij an Plaintiff). Window(jet ien spell Undo) uan bwij in Litwe9ejako Litwe ilo menmenbwij an Plaintiff). Lojook (jet ien spell Lojok) uan bwij in Lujin(ebed ilo menmenbwij an Plaintiff). Erjel ej jamjen jemjatin ilo lajrak in nejin kora im ekkar non manit erjel ej jimor dri jolete meron ko an jiner laltak jen jineer.

Ajej in bwirej eo ba kake ear komon ilo ruo mottan. Mottan eo juon ej non Lotobo, (1) Jen Rok, (2) Jibedi, (3) Tobi ilo Toka Island. Mottan eo juon ej non Windwo, (1) Batin Kotle, (2) Nukne, (3) Ankanon, (4) Enedrik etan Ellok ilo Toka Island im (5 Wato Waitworok.

Ilo an Iroilapalap Lobadreo kar jab bok kunan ilo kwowappene kon eo ikotan Iroi Edrik Aen, Lotobo im Window im ilo an kar jako Lojook ilo ien

komone kon in ear juon men eo ear jab jimwe ilo manit.

Ijo ejumae kon in ikotan Iroi Edrik Aen, Lotobo im Window ej kin an kar jab Iroi jlaplap Lobadreo kwowappen kon in im kin an kar Lojook jako non an kar meron in jojomar kin meron ko an bwij eo an.

Naan in kwowan ko an Iroi jlaplap Rimios Hermios ke, einwot ke erro ej Irioj eo jein Murjel Hermios jermal ibben dron, ejelok an kile jabrewot pepar ko ejelok an Iroi jlaplap Sign ilowaer. Iroi Rimios ej jatin Iroi Murjel im enaj binej jenkon Iroi Murjel ien eo emij, ijowot ke.

Ilo an Court eo an manit ketan an lomnak ilo konono ko liktak, ear kanouij in alikkar an kar jabwe men in kamol ko non an kar Iroi jlaplap Murjel Hermios meron in tobar juon karkan lemnak eo ejimwe ilo an kar jab waate lowan menmenbwij eo an Defendant ro jen an menmenbwij eo itok iman Court, im an kar "Book eo" konono kake an Iroi kar jab bed ibben.

Menmenbwij eo an Defendant ro ej kalikkar ilo jela eo aer, ear or ruo kora jein im jatin rar lawodre tok ion Ailuk jen ailin in Maloelap. Etan kora eo eritto ej Lieormeto im kora eo edrik ej Lijubilo. Ro nejin Lieormeto rej Jemej(M), Libuke(F), Lijain(F), Litwe(F). Ro nejin Lijubilo Lokojbo(M) im Lujin(F). Plaintiff im Defendant ilo lajrak in karkan jinerro laltak erro ej jeim jati, melelen bwe erro ej jimor dri joleti jikin kein kajitok kaki ekkar non line in meron ko aerro.

Court eo an manit ear bar einwot ketale an lomnake bwe, kobban "Book eo an Iroi" eo im kar keboje im kalajrak etan alap ro kajojo, Iroi Edrik ro kajojo ion ailin in Utrok, eo im Iroi jlaplap eo Lobodreo (ilo wot naan) ear kamole ej kar non wot lajrak in alap ro im jab ajej eo, mekarta Court eo an Manit ear lo ke juon lajrak eo ejimwe ikijein lajrak 7 im jab 5.

KIN MENIN IN, Panel eo an Traditional Rights Court eo ej kwalok
lemnak in uaak in an, bedbed wot ion lajrak in bwij ko ilo menmenbwij eo
an Defendant eo, ilo wawein in: elane enaj lot bwij eritto (emat nejin
bujen) title eo an alap enaj ilo non bwij eo edrik.

Dated: 4/4/88

JUDGE BOLLONG JOKLUR, Iroj

JUDGE ELLAN JORKAN, Alab

JUDGE BERSON JOSEPH, Dri Jerbal